

绝妙好词笺

一
函
四
册



絕妙好詞箋

續鈔附

灝字商卿世居杭紹興四年進士開禧議開邊政
府密引灝畫計灝言輕脫寡謀之人不可信趙良
嗣張覺往轍可鑒歷秉麾節皆有聲寶慶二年致
仕築室九里松自號青松居士有青松居士集
點絳脣

欲問東君爲誰重到江頭路斷橋薄暮香透溪雲渡

細草平沙愁入凌波步今何許怨春無語片片隨流水

潘 枋

枋字庭堅號紫巖閩人端平二年進士廷對第三
人歷太學正通判潭州有紫巖集

南鄉子

生怕倚闌干閣下溪聲閣外山空有舊時山共水依然

暮雨朝雲去不還。相見躡飛鸞。月下時時認佩環。月
又漸低霜又下。更闌。折得梅花獨自看。

劉後村詩話題云鍾津懷舊花菴絕妙詞選題云
題南劍州妓館

劉後村詩話延平樂籍中有能墨竹草聖者潘
廷堅爲賦念奴嬌美其書畫末云玉帶懸魚黃
金鑄印侯封萬戶待從頭繳納君王覓取愛卿
歸去余罷袁守歸途赴郡集席間借觀今不復
有此雋人矣

吳中舊事潘庭堅羽仙歌云雕簷綺戶倚晴空
如畫曾是吳王舊臺榭白浣紗去後落日平蕪
行雲斷幾見花開花謝凄凉闌干外一簇江山
多少圖王共爭霸莫閑愁金杯漱灩對酒當歌
歡娛地夢中興亡休話漸倚遍西風晚潮生明
月裡鷺鷥背人飛下

者其疏通證明之功亦有不可泯者矣密有癸辛
雜識諸書鶚有遼史拾遺諸書皆已著錄爲仁字
心穀號蓮坡宛平人康熙辛卯舉人是集成於乾
隆己巳刻於庚午鶚序稱其尚有詩餘紀事如干
卷今未之見殆未成書歟

原序

粵稽詩降爲詞六朝潛啓其意而體創于李唐五代繼
隆其軌而風暢于趙宋柳屯田之曉風殘月蘇學士之
亂石崩雲世所共稱固無論已建炎而後作者斐然數
南渡之才人無非妍手詠西湖之麗景盡是耑家薄醉
尊前按紅牙之小拍清歌扇底度白雪之新聲況乎人
閒玉腕闕下銅駝不無荆棘之悲用諫黍離之感文弦
鼓其淒調玉笛發其哀思亦有登山臨水勝情與豪素
爭飛惜別懷人秀句其郵筒俱遠凡斯體製有待纂編

于是艸窗周氏彙坎成書山玉川珠供其採顧蜀羅趙
錦藉彼翦裁蔡家幼婦之碑固應無媿黃氏散花之集
詎可齊觀秀遠爲前此所無規矩實後來之式然而劒
氣長埋珠光易匿五百年之星移物換金石尚爾銷沈
一卷書之雲散波流簡帙能無散佚於今風雅殆勝曩
時翡翠筆牀人宗石帚璫璫硯匣家擬梅溪爰有好事
之家千金購其善本嗜奇之士古鼎質其祕書時歲甲
子訪戚虞山叔丈遵王招攜永日鄰方回之游譙久欽
逸少門風盧子諒之婚姻夙埒劉琨世戚觴詠之暇籤

軸斯陳謝氏五車未足方其名貴田宏萬卷猶當遜其
珍奇得此一編如逢拱壁不謂失傳已久猶能藏弄至
今諷詠自淡削刷有待河北膠東之紙傳此名篇然脂
弄墨之餘成余素志上偕諸父俾我弟昆共訂魯魚重
新梨棗從此光華不沒風景常新非惟一日之賞心允
矣千秋之勝事武唐柯煜序

艸窗周公謹集選宋南渡以後諸人詩餘凡七卷名之
曰絕妙好詞公謹生於宋末以博雅名東南所作音節
淒清情寄淡遠非徒以綺麗勝者茲選披沙揀金合一

百三十二人爲詞不滿四百亦云精矣余嘗論選家以
今稽古病在不親敷染所謂聽遠音者聞其疾而不聞
其舒也若同時之人徵蒐該博參互詳審其去痕疇正
謬悠較之後代難易什伯宋人選宋詞如曾慥樂府雅
詞趙粹夫陽春白雪以及蕭仙蘭畹諸集皆名存書逸
每爲可惜艸窗所選乃虞山錢氏祕藏鈔本柯子南陔
得之與其從父寓菴舍人及余考校缺誤繕刻以行夫
古書顯晦各有其時

皇上聖學淵奧凡經史子集以及類說稗乘罔不搜討

宋元舊本漸已畢出彼曾趙諸集又豈無摻廢簞而弄
之者是書之出其嚆矢夫康熙戊寅夏五江邨高士奇
序於清吟堂

絕妙好詞七卷南宋弁陽老人周密公謹所輯宋人選
本朝詞如曾端伯樂府雅詞黃叔暘花菴詞選皆讓其
精粹蓋詞家之準的也所采多紹興迄德祐間人自二
三鉅公外姓字多不著夫士生隱約不得樹立功業炳
煥天壤僅以詞章垂稱後世而姓字猶在若滅若沒閒
無人爲從故紙堆中抉剔出之豈非一大恨事耶津門
查君蓮坡研精風雅耽玩倚聲披閱之暇隨筆劄記輯
有詩餘紀事如干卷于是編尤所留意特爲之箋不獨
諸人里居出處十得八九而詞中之本事詞外之佚事

以及名篇秀句零珠碎金攜拾無遺俾讀者展卷時恍
然如聆其笑語而共其游歷也予與蓮坡有同好向嘗
綴拾一二每自矜剏獲會以衣食奔走不克卒業及來
津門見蓮坡所輯頗有望洋之歎并舉以付之次第增
入焉譬諸掇遺材以裨建章投片瓊以厠懸圃其爲用
不已微乎蓮坡通懷集益猶不忘所自必欲附賤名於
簡端辭不得已因述其顛末如此云乾隆戊辰閏七夕
前三日錢唐厲鶚書於津門之古春小茨

絕妙好詞紀事

何焯讀書敏求記跋絳雲未燼之先藏書至三千九百餘部而錢遵王此記凡六百有一種皆紀宋板元鈔及書之次第完闕古今不同手披目覽類而載之遵王畢生之菁華萃於斯矣書旣成局之枕中出入每自攜靈蹤微露竹垞謀之甚力終不可見竹垞旣應 召後二年典試江左遵王會於白下竹垞故令客置酒高譙約遵王與偕私以黃金翠裘予侍書小史啓鐫豫置楷書生數十於密室半宵寫成而仍返之當時所錄并絕妙

好詞在焉詞旣刻函致遵王漸知竹垞詭得且恐其流傳於外也竹垞乃設誓以謝之又跋遵王纂成此書祕之笈中知交罕得見者竹垞檢討校士江南日龔方伯遍召諸名工大會秦淮河遵王與焉是夕私以黃金青鼠裘予其侍史啓篋得是編命藩署廊吏鈔錄并得絕妙好詞旣而詞先刻遵王疑之竹垞爲之設誓以謝之不授人也按柯崇樸絕妙好詞序云往余與朱檢討竹垞有詞綜之選撫拾散逸采掇備至所不得見者數種周艸窗絕妙好詞其一也嗣聞虞山錢子遵王藏有寫

本余從子煜爲錢氏族壻因得假歸然傳寫多訛逮再
三參考始釐然復歸於正爰鏤板以行之據此則非先
生所詭得矣義門之言近誣

楊謙朱竹垞先生年譜康熙二十年辛酉五十三歲

厲鶚字太鴻號樊榭錢塘人康熙五十九年舉人乾隆
元年薦舉博學鴻詞有樊榭山房集徵君性情孤峭義

不苟合讀書搜奇愛博鉤新摘異尤熟於宋元以來叢
書裨說以孝廉需次縣令將入京道經天津查蓮坡先
生畱之水西莊觴咏數月同撰周密絕妙好詞箋遂不
就選而歸揚州馬秋玉兄弟延爲上客嗣後往來竹西

者凡數載馬氏小玲瓏山館多藏舊書善本閒以古器
名畫因得端居揆討所撰宋詩紀事遼史拾遺極爲詳
洽今皆錄入 四庫書中其先世家於慈谿故以四明
山樊榭爲號予於戊辰歲在長洲趙君飲谷小吳船過
之辱爲忘年交嗣後徵君過吳必訪余于朱氏薺花水
閣凡三年而徵君下世其詞直接碧山玉田予錄入琴
畫樓詞鈔樊榭下世葬于杭州西溪王家鵝因無子嗣
不久化爲榛莽後四十餘年何君春渚琪游西溪田舍
見艸堆中樊榭及姬人月上栗主在焉取歸偕同人送

武林門外牙灣黃山谷祠埽灑一室以供之子爲撰丈
室花同天女散。摩圍詩其老人參。句以題其楹李光甫
方湛蔣蔣邨炯陶鳧香梁諸子皆有詩詞記之樊榭生
于康熙三十一年五月初二日辰時歿于乾隆十七年

此十四字原本失
寫今據栗主補八

九月十一日辰時月上姓朱氏名滿

孀烏程人生于康熙五十八年三月二十四日辰時歿

于乾隆七年正月初三日戌時竝屬蔣邨及項金門塋

許周生宗彥各于忌日奉酒脯薦焉

王昶蒲褐山房詩
話蔡木龕風云

厲徵君子繡周有女適桑嵒甫先生之孫近仁繡周亡
後其妻丁氏龍泓先主女無所歸奉厲氏先代栗主依